

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

XIII. Galli quoque per eas tempestates censebant supremam eße  
synodorum provincialium auctoritatem in deponendis Episcopis. Probatur  
ex Concilio Agrippinensi adversùs Euphratam.

**urn:nbn:de:hbz:466:1-15617**

## & Imperij Lib. VII. Cap. II.

309

publicam tranquillitatem tentaverint. Præterea disertè damnatis Episcopis inhibent ne ad Principes accedant, neve rescripta impetrant; quæ nulla esse pronuntiant ijdem Augusti, si eorum Episcoporum damnatio peracta sit justam ob causam. Quicunque residentibus sacerdotibus fuerit episcopali loco detrusus & nomine, si aliquid vel contra sententiam vel contra quietem moliri fuerit deprehensus, rurisque sacerdotium petere à quo videatur exclusus, procul ab ea urbe quam indignas inficit, secundum legem diuine memoriæ Gratiani, centum milibus vitam agat. Infrā: Sit huiusmodi personis tenore presentis legis inlicitum sacra nostra adire secreta, & impetrare rescripta. Omnia dejectis per culpam sacerdotio personis que imperrata sunt, infecta permaneant.

XIII. Manet itaque sententia à me paulò ante prolatā, judicia nempe in synodis provincialibus lata adversus Episcopos appellatiōne obnoxia non fuisse secundum antiquos canones, tametsi revisioni locus esset si ita Princeps rescripto jubaret. Obtinebat ea consuetudo, non solum in Oriente, sed etiam in Gallia; ut constat ex iis quæ Valerianus Episcopus Autissiodorensis differuit in synodo Agrippinensi quæ anno CCCXLVI. habita est adversus Euphratam illius civitatis Episcopum. Eum quinque Episcopi deposuerant propter hæresim. Primi vero judices optarunt ut damnatio ab ipsis de cœta confirmaretur & approbaretur à majori Episcoporum Gallianorum numero. Eam itaque ob causam Metropolitanos octo provinciarum evocarunt ad Coloniam Agrippinam, Treverensem nimirum, Arelatensem, Lugdunensem, Vesontionensem, Moguntinum, Remensem, Senonensem, & Rothomagensem; qui eō accesserunt ad postulatum fratrum, ut ipsi aiunt. In eo Concilio Valerianus dixit validam esse depositionem à quinque illis Episcopis decretam, neque necessarium prorsus fuisse ut nova hæc congregatio fieret. Valerianus Episcopus dixit: *Eisi non omnes conseniores, hic apud Agrippinam Dei voluntate qui sumus adunati, conveniēmus, sufficerat à quinque Episcopis Euphratam blasphemum, quia Christum Deum negat, pro meritis suis sententiari \* eodem jure esse depositum.* Infrā: Ideo eundem censio justè esse depositum. Idipsum luculentius probant verba Amandi Episcopi Argentoratensis in eodem Concilio, qua sic habent: *Amandus Episcopus dixit: Siquidem in presenti, quando Euphrata à quinque Episcopis sententiam accepit, me inter ipsos fateor esse consentancum, qui epistolis meis ad eundem deponendum consensi, secundum falsam doctrinam ipsius, qui Christum Dominum*

Liber Gaius  
est in appendice  
cod. Theodof.  
p. 94

*Deum negat, merito in ipsum sententiam collatam esse constat. ad cuius damnationem consensus.*

XIV. Saturninum Episcopum Arelatensem Gallicani Episcopi in synodo Parisiensi excommunicarunt anno trecentesimo sexagesimo secundo: qui, nulla mentione facta confirmationis à Romano Pontifice decreta, synodicam suam epistolam misserunt ad Episcopos Orientis. Significant se inter excommunicatos reponere Auxentium & reliquos Episcopos quos excommunicatos fuissent scriperant Episcopi orientales; tum denuntiant excommunicatum à se fuissent Saturninum Arelatensem. *Saturninam, qui statutis salubribus impissimè contradixit, secundum fratrum nostrorum geminas jam literas excommunicatum ab omnibus Gallicanis Episcopis caritas vestra cognoscas quem & vetera, dissimulata famam licet, crimina & cetera edita epistolis suis nova temeritatis irreligiositas indignum Episcopi nomine esse fecerunt.*

### C A P V T III.

Synopsis.

I. *Synodus Sardicensis jus illud imperatorium, nempe decernendi revisiones, transfudit in Episcopum Romanum.*

II. *Ei synodo occasionem dedit causa Athanasii in synodo Tyri & Antiocheni damnati. Attamen Iulius Episcopus Romanus eum in suam communionem recepit, spreta orientalium intercessione.*

III. *Cum ex ea contradictione schisma imminent inter Ecclesias, Imperatores Concilium convocarunt apud Sardicam. Res tamen in divortium abiit, eo praetexto, quod Episcopi occidentales publicè recipieren Episcopos dejectos.*

IV. *Synodus Sardicensis dejectos sedibus suis restitu postulavit à Constantio, quod ille imperavit. Synodica epistola Concilii Sardicensis nullam mentionem facit canonum apud Sardicam condierum.*

V. *Inquiritur an Concilium Sardicense sit Occumenicum. Convocatio ejus ea mente facta est ut esset Occumenicum. Verum, ob divortium, censeri tantum potest occidentale. quo modo illud vocant Hilarius & Epiphanius.*

VI. *Huc Concilio debetur prima origo juris Summi Pontificis, quoad depositiones Episcoporu. Nihil tamen statuit adversus supremam synodorum provincialium autoritatem. Concessit enim tantum jus decernendi revisionem. Revisione autem multum differt ab appellatione. Sed hinc nata errandi occasio, quod Synodus Sardicensis impropiè natus verbo appellandi & provocandi.*

VII. *Decernere igitur poterat Episcopus Romanus causa retrahitionem; remitto videlicet integrum iudicio ad Episcopos provincias, & ad finitos. Revisione non impidebat quin sententia depositionis mandaret executionem.*

VIII. *Novans esse hanc institutionem probatur ex Oso Cordubensi, qui synodo presidebat.*

Q q iii

<sup>2</sup> Legendum est  
qua iure esse depo-  
sitionem.